

# «МАХАМБЕТ» ЖУРНАЛЫНЫҢ ТҰСАУЫ КЕСІЛДІ

*М.Өтемісов атындағы Батыс Қазақстан университетінде «Махамбет» республикалық әдеби-мәдени, танымдық журналының тұсаукесер рәсімі жасалды.*



Махамбет Өтемісұлы – қазақ халқының тарихи қайраткер тұлғасы болумен қатар, елінің азаттығын көксеген күрескер әрі рухты ақын. Еркіндік пен бұқараның әлеуметтік теңдігін қорғауда перзенттік парызы санаған өр Махамбеттің қысқа ғұмыры азаттық жолындағы күреспен байланысты өрбіді.

Махамбетөміржайлытолғаныстурасындағалымдар зерттеу жұмысын жүргізіп, әдебиет өкілдері өлең-жыр арнап, қаламгерлер мақалаға пікірін сыйғызды. Батыр тұлға хақында қалам тербеудегі мақсаты – Махамбеттей көтеріліс кесемі, ақын, күйшінің ерлік істерін ұрпақ жадына сіңірту еді. Бүгінде «Болат медиа» ЖШС директоры Болат Батыр мен Х.Досмұхамедов атындағы Атырау университетінің профессоры Қадір Жүсіп М.Өтемісұлының жоқтаушысына айналып, журнал шығару бастамасын жүзеге асыруда.

Өңірімізде «Махамбет» журналының тұсауы ақын атындағы университетте кесілуі ұрпақ сабақтастығын дәріптеген тарихи сәтпен тең. Айтулы шарада өлкетанушы ғалым Жайсаң Ақбай, ақын, «Алаш» халықаралық әдеби сыйлығының иегері Ақұштап Бақтыгереева, Қазақстан Жазушылар одағының БҚОФ төрағасы Бауыржан Халиолла, театр қайраткері Құжырғали Төлеуішов, «Махамбет» журналының құрылтайшысы Болат Батыр мен ақылдастар алқасының мүшесі, «Рухани жаңғыру» институтының директоры Абат Қыдыршаев қатысып, Атырау, Ақтөбе өңірінің ғалым-ұстаздары бейнебайланыс арқылы ортақтасты.

**Жалғасы 2-бетте.**

